



Broj: 10/E-11-11068/23
Sarajevo, ~~08-12-2023~~ godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama ("Službeni glasnik BiH", broj 39/14 i 59/22) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka i isporuka lož ulja za potrebe grijanja objekta „Vila Braun“ (Zapisnik broj: 10/E-11-11068/23 od 04.12.2023. godine), Općinski načelnik donosi:

ODLUKU **o poništenju postupka javne nabavke**

- I.** Poništava se postupak javne nabavke: Nabavka i isporuka lož ulja za potrebe grijanja objekta „Vila Braun“, putem konkurentskog zahtjeva za dostavu ponuda, iz razloga što primljena ponuda nije prihvatljiva.
- II.** Ova Odluka se dostavlja ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- III.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke: Nabavka i isporuka lož ulja za potrebe grijanja objekta „Vila Braun“, pokrenut je Odlukom o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-11068/23 od 15.11.2023. godine.

Obavještenje o nabavci broj: 848-7-1-182-3-216/23 objavljeno je na Portalu javnih nabavki dana 23.11.2023. godine, a Sažetak obavještenja o nabavci objavljen je u „Službenom glasniku BiH“ – Oglasnik javne nabavke, broj 81/23.

Procijenjena vrijednost javne nabavke bez PDV-a iznosi 8.715,00 KM.

U roku za predaju ponuda koji je određen tenderskom dokumentacijom (04.12.2023. godine do 11:00 sati), na adresu ugovornog organa dostavljena je jedna (1) ponuda i to ponuđača: 1. „ALMY“ d.o.o. Zenica.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristigle ponuda i nakon što je utvrđena urednost dostave, pročitana je cijena ponude, kako slijedi:

R/b	Ponuđač	Ukupna cijena (KM) bez PDV-a	Popust	Ukupna cijena (KM) sa PDV-om
1.	„ALMY“ d.o.o. Zenica	10.725,00	/	12.548,25

Nakon izvršenog javnog otvaranja ponuda, na zatvorenom sastanku, Komisija I je konstatovala da je ponuda ponuđača „ALMY“ d.o.o. Zenica neprihvatljiva u smislu člana 2. stav (1) tačka l) alineja 2) Zakona o javnim nabavkama („Službeni glasnik BiH“, broj 29/14 i 59/22).

Naime, detaljnim pregledom dostavljene ponude Komisija I je ustanovila da je ponuđač „ALMY“ d.o.o. Zenica, ponudio cijenu robe koja se nabavlja (lož ulje) u iznosu od **10.725,00 KM bez PDV-a**, što premašuje ukupnu procijenjenu vrijednost predmetne nabavke.

Shodno navedenom Komisija I je zaključila da je cijena ponude ponuđača „ALMY“ d.o.o. Zenica iznad procijenjene vrijednosti, odnosno cijena ponude prelazi osigurana novčana sredstva ugovornog organa za predmetnu nabavku.

U Tenderskoj dokumentaciji za javnu nabavku i isporuku lož ulja za potrebe grijanja objekta „Vila Braun“, evidencijski broj nabavke 10/E-11-11068/23, u Poglavlju I OPŠTI PODACI, tačka 6) *Vrsta ugovora o javnoj nabavci sa procijenjenom vrijednosti javne nabavke*, navedena je procijenjena vrijednost javne nabavke koja iznosi **8.715,00 KM bez PDV-a**.

Članom 2. stav (1) tačka l) alineja 2) Zakona o javnim nabavkama propisano je da je neprihvatljiva ponuda čija cijena premašuje planirana odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta. Dakle, neprihvatljiva ponuda je ponuda koju je ponudio ponuđač, koja ne ispunjava tenderske uslove definisane tenderskom dokumentacijom. Također, neprihvatljivom ponudom smatra se i ponuda čija cijena prelazi planirana, odnosno osigurana novčana sredstva ugovornog organa za nabavku. U otvorenom postupku javne nabavke i konkurentskom zahtjevu za dostavu ponuda gdje je predviđeno provođenje e-aukcije neprihvatljivost ponude se cijeni prije zakazivanja e-aukcije.

Komisija I dalje konstatuje da je u skladu sa članom 15. Zakona o javnim nabavkama ugovorni organ zasnivao računanje procijenjene vrijednosti ugovora o javnoj nabavci lož ulja na ukupnom iznosu koji će platiti, bez poreza na dodatu vrijednost.

U skladu sa članom 17. stav (2) tačka h) Zakona o javnim nabavkama procijenjena vrijednost nabavke je mandatoran podatak svake pojedine nabavke obuhvaćene planom nabavki.

Član 53. navedenog Zakona reguliše neophodne informacije tenderske dokumentacije, a u stavu (3) tačka s) istog člana zakonodavac propisuje da tenderska dokumentacija sadrži minimalno, između ostalog, procijenjenu vrijednost javne nabavke.

Objavnom tenderske dokumentacije na Portalu javnih nabavki omogućeno je svakom potencijalnom ponuđaču da, pored ostalih bitnih podataka vezanih za konkretnu nabavku, sazna podatak o procijenjenoj vrijednosti nabavke, te da u skladu sa istom formira cijenu svoje ponude koja ne premašuje iznos procijenjene vrijednosti (bez PDV-a) konkretne nabavke.

Također, iz odgovora ugovorni organ na pitanje potencijalnog ponuđača „HIFA-PETROL“ d.o.o. Sarajevo, objavljenog na Portalu javnih nabavki dana 01.12.2023. godine, navodi se da je procijenjena vrijednost javne nabavke ostaje nepromijenjena. Objavom odgovora ugovorni organ je potvrdio procijenjenu vrijednost nabavke od 8.715,00 KM (bez PDV-a), te time dao na znanje ponuđačima koji su preuzeli tendersku dokumentaciju da prema važećim odredbama Zakona o javnim nabavkama nema mogućnost za naknadno obezbjeđenje dodatnih novčanih sredstava.

U skladu sa naprijed navedenim članom 2. stav (1) tačka l) alineja 2) Zakona o javnim nabavkama Komisija I je ponudu ponuđača „ALMY“ d.o.o. Zenica isključila iz daljeg postupka i ista nije bila predmetom dalje ocjene i evaluacije.

Odredbom člana 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

U skladu sa svim naprijed navedenim, Komisija I je na sjednici od 04.12.2023. godine jednoglasno donijela odluku da Općinskom načelniku predloži da na osnovu člana 69. stav (2) tačka d) Zakona o javnim nabavkama („Službeni glasnik BiH“, broj 39/14 i 59/22) donese odluku o poništenju postupka javne nabavke: Nabavka i isporuka lož ulja za potrebe grijanja objekta „Vila Braun“, o čemu je sačinila Zapisnik o pregledu i ocjeni ponuda broj: 10/E-11-11068/23 od 04.11.2023. godine.

Općinski načelnik u postupku predmetne nabavke nije našao razloge niti nepravilnosti u radu Komisije I koji bi bili osnov za neprihvatanje prijedloga Komisije, te je u skladu sa članom 70. stav (1) Zakona o javnim nabavkama donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, Filijala/Podružnica Mostar, putem ugovornog organa (Općina Centar Sarajevo), najkasnije u roku od 10 (deset) dana od dana prijema ove Odluke, a shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 500,00 KM, u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-11068/23 od 04.12.2023. godine



DOSTAVITI:

1. "ALMY" d.o.o. Zenica, ul. Vrandučka bb, 72000 Zenica
2. Službi za lokalno-ekonomski razvoj i mjesnu samoupravu
3. Kabinetu općinskog načelnika - Odsjeku za javne nabavke
4. Evidenciji
5. U spis